

**საბროკერო კომპანია “რიონი კაპიტალის”
პოლიტიკა
Cookies ფაილების გამოყენების შესახებ**

სარჩევი

გვ.

1.	ზოგადი დებულებები.....	3
2.	რა არის Cookies ფაილები	3
3.	Cookies ფაილების გამოყენების სამართლებრივი საფუძვლები.....	4
4.	Cookies ფაილების გამოყენების მიზნები	4
5.	გამოყენებული Cookies ფაილების კატეგორიები.....	4
6.	მესამე პირების Cookies ფაილები	5
7.	Cookies ფაილების გამოყენება ბროკერის ციფრულ სერვისებში	6
8.	Cookies ფაილების შენახვის ვადა	6
9.	Cookies ფაილების მართვა.....	6
10.	პერსონალური მონაცემები და მომხმარებლის უფლებები	7
11.	პოლიტიკის ცვლილება	7

1. ზოგადი დებულებები

- 1.1. წინამდებარე Cookies ფაილების გამოყენების პოლიტიკა (შემდგომში — **პოლიტიკა**) განსაზღვრავს Cookies ფაილებისა და ანალოგიური ტექნოლოგიების გამოყენების წესს საბროკერო კომპანია „**Rioni Capital**“-ის მიერ (შემდგომში — **ბროკერი**) ბროკერის ვებ-საიტის მონახულებისა და გამოყენებისას, ასევე, სადაც ეს შესაბამისია, ბროკერის სხვა საჯარო ციფრული ინტერფეისების შემთხვევაში.
- 1.2. წინამდებარე პოლიტიკა შემუშავებულია გამჭვირვალობის უზრუნველყოფის მიზნით, შემდეგ საკითხებთან დაკავშირებით:
 - რას წარმოადგენს Cookies ფაილები და ანალოგიური ტექნოლოგიები;
 - Cookies ფაილების რომელი კატეგორიები შეიძლება გამოიყენოს ბროკერმა;
 - რა მიზნებისთვის გამოიყენება ისინი;
 - რა საფუძვლებზე გამოიყენება ისინი;
 - როგორ შეუძლია მომხმარებელს მართოს საკუთარი პარამეტრები და პრეფერენციები.
- 1.3. წინამდებარე პოლიტიკა თანხვედრაშია საბროკერო კომპანია „**Rioni Capital**“-ის კლიენტთა პერსონალური მონაცემების დაცვის პოლიტიკასთან, აგრეთვე ბროკერის სხვა შესაბამის დოკუმენტებთან, რომლებიც განთავსებულია ბროკერის ვებ-საიტზე.
- 1.4. თუ Cookies ფაილების ან ანალოგიური ტექნოლოგიების გამოყენებით მიღებული ინფორმაცია ეხება პერსონალურ მონაცემებს, ასეთი ინფორმაცია მუშავდება საქართველოს მოქმედი კანონმდებლობისა და საბროკერო კომპანია „**Rioni Capital**“-ის კლიენტთა პერსონალური მონაცემების დაცვის პოლიტიკის შესაბამისად.

2. რა არის Cookies ფაილები

- 2.1. Cookies ფაილები წარმოადგენს მცირე ტექსტურ ფაილებს, რომლებიც ინახება ბრაუზერში ან მომხმარებლის მოწყობილობაში კომპანიის ვებ-საიტის მონახულებისას.
- 2.2. Cookies ფაილები, იძლევა შესაძლებლობას:
 - უზრუნველყოფილ იქნეს ვებ-საიტის გამართული მუშაობა;
 - შენახულ იქნეს მომხმარებლის ცალკეული პარამეტრები;
 - შენარჩუნებულ იქნეს ვებ-საიტის გამოყენების სტაბილურობა და მოხერხებულობა;
 - გაანალიზდეს ვებ-საიტის გამოყენება და გაუმჯობესდეს მისი ფუნქციონალი;
 - უზრუნველყოფილ იქნეს ვებ-საიტის ცალკეული დამატებითი ფუნქციების მუშაობა შესაბამისი საფუძვლების არსებობის შემთხვევაში.
- 2.3. წინამდებარე პოლიტიკის ფარგლებში Cookies ფაილებში ასევე შეიძლება იგულისხმებოდეს დანიშნულებით მსგავსი ტექნოლოგიები, მათ შორის ბრაუზერის ლოკალური საცავი, პიქსელები, ტეგები და სხვა ტექნიკური საშუალებები, რომლებიც გამოიყენება ვებ-საიტის მუშაობის, ანალიტიკისა და მომხმარებლის პარამეტრების მართვისთვის.

2.4. Cookies ფაილები შეიძლება იყოს:

- **სესიური** — მოქმედი ბრაუზერის მიმდინარე სესიის განმავლობაში;
- **მუდმივი** — შენახული მომხმარებლის მოწყობილობაზე გარკვეული ვადით ან მათ წაშლამდე.

3. Cookies ფაილების გამოყენების სამართლებრივი საფუძვლები

3.1. ბროკერი იყენებს Cookies ფაილებსა და ანალოგიურ ტექნოლოგიებს საქართველოს პერსონალური მონაცემების დაცვის შესახებ მოქმედი კანონმდებლობის შესაბამისად, ხოლო იმ შემთხვევებში, როდესაც ეს განპირობებულია ცალკეული სერვისების, ურთიერთობების ან ტექნიკური გადაწყვეტილებების ტრანსსასაზღვრო ხასიათით, ასევე შესაბამისი საერთაშორისო სტანდარტებისა და მოთხოვნების გათვალისწინებით.

3.2. Cookies ფაილების კატეგორიის მიხედვით მათი გამოყენება შეიძლება განხორციელდეს:

- მომხმარებლის ცალკეული თანხმობის გარეშე — თუ ასეთი Cookies ფაილები მკაცრად აუცილებელია ვებ-საიტის ფუნქციონირებისთვის ან მომხმარებლის მიერ პირდაპირ მოთხოვნილი ციფრული სერვისის მიწოდებისთვის;
- მომხმარებლის წინასწარი თანხმობის საფუძველზე — თუ საუბარია ფუნქციურ, ანალიტიკურ, მარკეტინგულ ან სხვა არასავალდებულო Cookies ფაილებზე.

3.3. მომხმარებლის თანხმობა, როდესაც ეს საჭიროა, მოითხოვება Cookies ბანერის ან პრეფერენციების მართვის სხვა მექანიზმის მეშვეობით, რომელიც ხელმისაწვდომია ბროკერის ვებ-საიტზე.

4. Cookies ფაილების გამოყენების მიზნები

4.1. ბროკერმა შეიძლება გამოიყენოს Cookies ფაილები და ანალოგიური ტექნოლოგიები შემდეგი მიზნებისთვის:

- ბროკერის ვებ-საიტის გამართული და სტაბილური მუშაობის უზრუნველყოფა;
- მომხმარებლისთვის ვებ-საიტის მოთხოვნილი ფუნქციონალის მიწოდება;
- მომხმარებლის პარამეტრებისა და პრეფერენციების დამახსოვრება;
- ვებ-საიტის გამოყენების ანალიზი და მისი შინაარსის, სტრუქტურისა და ფუნქციონალის გაუმჯობესება;
- ტექნიკური შეცდომების გამოვლენა და აღმოფხვრა;
- ცალკეული საინფორმაციო, ანალიტიკური და მარკეტინგული გადაწყვეტილებების ეფექტიანობის შეფასება — შესაბამისი სამართლებრივი საფუძვლის არსებობის შემთხვევაში.

5. გამოყენებული Cookies ფაილების კატეგორიები**5.1. მკაცრად აუცილებელი Cookies ფაილები**

5.1.1. მკაცრად აუცილებელი Cookies ფაილები გამოიყენება ბროკერის ვებ-საიტის გამართული, სტაბილური და უსაფრთხო მუშაობის უზრუნველსაყოფად, ასევე მომხმარებლისთვის მოთხოვნილი ციფრული სერვისის მისაწოდებლად.

- 5.1.2. ასეთი Cookies ფაილების გარეშე ვებ-საიტის ცალკეული გვერდები, განყოფილებები ან ფუნქციები შეიძლება არასწორად მუშაობდეს ან მიუწვდომელი იყოს.
- 5.1.3. მკაცრად აუცილებელი Cookies ფაილები გამოიყენება მომხმარებლის ცალკეული თანხმობის გარეშე იმ მოცულობით, რა მოცულობითაც ამას შესაბამისი კანონმდებლობა უშვებს.

5.2. ფუნქციური Cookies ფაილები

- 5.2.1. ფუნქციური Cookies ფაილები იძლევა მომხმარებლის ცალკეული პარამეტრებისა და პრეფერენციების დამახსოვრების შესაძლებლობას ვებ-საიტის გამოყენების მოხერხებულობის გასაზრდელად.
- 5.2.2. ასეთი Cookies ფაილები შეიძლება გამოიყენებოდეს, მაგალითად, შემდეგისთვის:
- ენის არჩევანის შენახვა;
 - ინტერფეისის პარამეტრების შენახვა;
 - ვებ-საიტის გამოსახულების ცალკეული ელემენტების პერსონალიზაცია.
- 5.2.3. ფუნქციური Cookies ფაილები გამოიყენება მომხმარებლის თანხმობის საფუძველზე, თუ სხვა რამ არ გამომდინარეობს მათი მკაცრად აუცილებელი ხასიათიდან.

5.3. ანალიტიკური Cookies ფაილები

- 5.3.1. ანალიტიკური Cookies ფაილები გამოიყენება იმის გასაგებად, თუ როგორ ურთიერთობენ მომხმარებლები ბროკერის ვებ-საიტთან.
- 5.3.2. ასეთი Cookies ფაილები შეიძლება გამოიყენებოდეს შემდეგისთვის:
- ვებ-საიტის ტრაფიკის ანალიზი;
 - ცალკეული გვერდებისა და განყოფილებების მოთხოვნადობის შეფასება;
 - ვებ-საიტის სტრუქტურისა და შინაარსის გაუმჯობესება;
 - ტექნიკური პრობლემების გამოვლენა და მომხმარებლის გამოცდილების გაუმჯობესება.
- 5.3.3. ანალიტიკური Cookies ფაილები გამოიყენება მომხმარებლის თანხმობის საფუძველზე, თუ შესაბამისი სამართალი არ ითვალისწინებს სხვა რეჟიმს.

5.4. მარკეტინგული Cookies ფაილები

- 5.4.1. მარკეტინგული Cookies ფაილები შეიძლება გამოიყენებოდეს საინფორმაციო და სარეკლამო კამპანიების ეფექტიანობის შესაფასებლად, აგრეთვე შესაბამისი კომუნიკაციების მოსაწყობად, თუ ასეთი მექანიზმები გამოიყენება ბროკერის მიერ.
- 5.4.2. ასეთი Cookies ფაილები შეიძლება დაყენდეს როგორც თავად ბროკერის, ისე შესაბამისი სერვისების მომწოდებელი მესამე პირების მიერ.
- 5.4.3. მარკეტინგული Cookies ფაილები გამოიყენება მხოლოდ მომხმარებლის წინასწარი თანხმობის არსებობის შემთხვევაში.

6. მესამე პირების Cookies ფაილები

- 6.1. ბროკერმა შეიძლება გამოიყენოს მესამე პირების სერვისები, რომლებმაც თავისი ფუნქციის მიხედვით შეიძლება დააყენონ საკუთარი Cookies ფაილები ან გამოიყენონ ანალოგიური ტექნოლოგიები.

6.2. ასეთ სერვისებს, კერძოდ, შეიძლება მიეკუთვნებოდეს:

- ვებ-ანალიტიკის სერვისები;
- ვებ-საიტის წარმადობისა და სტაბილურობის მხარდაჭერის ინსტრუმენტები;
- ცალკეული ტექნიკური და ინფრასტრუქტურული გადაწყვეტილებების მომწოდებლები;
- ვებ-საიტის საკომუნიკაციო და მარკეტინგულ ფუნქციებთან დაკავშირებული სერვისები.

6.3. თუ გამოიყენება ასეთი მესამე მხარის - cookie ფაილები, შესაბამისი მესამე პირები ამუშავებენ მონაცემებს საკუთარი გამოყენების პირობებისა და კონფიდენციალურობის პოლიტიკის შესაბამისად, თუ სხვა რამ პირდაპირ არ გამომდინარეობს ბროკერსა და შესაბამის მომწოდებელს შორის ურთიერთობიდან.

7. Cookies ფაილების გამოყენება ბროკერის ციფრულ სერვისებში

- 7.1.** ცალკეული Cookies ფაილები შეიძლება ობიექტურად აუცილებელი იყოს ბროკერის ვებ-საიტისა და მომხმარებლისთვის ხელმისაწვდომი ცალკეული ციფრული სერვისების ფუნქციონირებისთვის.
- 7.2.** მკაცრად აუცილებელი Cookies ფაილების გამორთვამ შეიძლება გამოიწვიოს ვებ-საიტის ცალკეულ ფუნქციებზე წვდომის შეზღუდვა, ცალკეული განყოფილებების არასწორი მუშაობა ან ცალკეული ციფრული სერვისების გამოყენების შეუძლებლობა.
- 7.3.** წინამდებარე პოლიტიკა პირველ რიგში ვრცელდება ბროკერის საჯარო ციფრულ გარემოზე. იმ შემთხვევებში, როდესაც ცალკეული ინტერფეისები, სერვისები ან გადაწყვეტილებები შეიცავს სპეციალურ შეტყობინებებს Cookies ფაილების ან ანალოგიური ტექნოლოგიების გამოყენების შესახებ, ასეთი შეტყობინებები შესაბამის ნაწილში გამოიყენება წინამდებარე პოლიტიკასთან ერთად.

8. Cookies ფაილების შენახვის ვადა

- 8.1.** Cookies ფაილების შენახვის ვადა დამოკიდებულია მათ კატეგორიაზე, დანიშნულებაზე, ტექნიკურ კონფიგურაციასა და შესაბამისი სერვისის თავისებურებებზე.
- 8.2.** ზოგადი წესის მიხედვით:
- სესიური Cookies ფაილები ინახება ბრაუზერის მიმდინარე სესიის დასრულებამდე;
 - მუდმივი Cookies ფაილები ინახება შესაბამისი მიზნის მისაღწევად საჭირო ვადით ან მომხმარებლის მიერ მათ წაშლამდე.
- 8.3.** რელევანტურ ინფორმაციის, გამოყენებული Cookies ფაილების კატეგორიებისა და შესაბამისი ტექნიკური გადაწყვეტილების არსებობის შემთხვევაში, ასევე მათი შენახვის ვადების შესახებ, შესაძლოა მიეწოდოს მომხმარებელს Cookies ბანერის, პრეფერენციების მართვის ცენტრის ან ბროკერის ვებ-საიტის ან სხვა ინტერფეისების მეშვეობით.

9. Cookies ფაილების მართვა

9.1. თანხმობის ბანერი და პრეფერენციების პარამეტრები

9.1.1. ბროკერის ვებ-საიტზე პირველი ვიზიტისას, აგრეთვე სხვა შემთხვევებში, როდესაც ეს საჭიროა, მომხმარებელს შეიძლება მიეცეს საშუალება:

- მიიღოს ყველა Cookies ფაილი;
- უარყოს ყველა არასავალდებულო Cookies ფაილი;
- აირჩიოს Cookies ფაილების ცალკეული კატეგორიები;
- შეცვალოს ადრე მოცემული პარამეტრები.

9.1.2. მომხმარებელს უფლება აქვს ნებისმიერ დროს შეცვალოს საკუთარი პრეფერენციები Cookies ფაილებთან მიმართებით ვებ-საიტზე ხელმისაწვდომი პარამეტრების მართვის მექანიზმის მეშვეობით, თუ ასეთი მექანიზმი გათვალისწინებულია შესაბამის ინტერფეისში.

9.2. ბრაუზერის პარამეტრები

9.2.1. მომხმარებელს ასევე შეუძლია დამოუკიდებლად მართოს Cookies ფაილები საკუთარი ბრაუზერის პარამეტრების მეშვეობით, მათ შორის:

- წაშალოს Cookies ფაილები;
- დაბლოკოს ცალკეული Cookies ფაილების დაყენება;
- შეზღუდოს Cookies ფაილების გამოყენება;
- მიიღოს შეტყობინებები მათი დაყენების შესახებ.

9.2.2. მომხმარებელმა უნდა გაითვალისწინოს, რომ მკაცრად აუცილებელი Cookies ფაილების დაბლოკვამ ან წაშლამ შესაძლოა გავლენა მოახდინოს ბროკერის ვებ-საიტის გამართულ მუშაობასა და ცალკეული სერვისების ხელმისაწვდომობაზე.

10. პერსონალური მონაცემები და მომხმარებლის უფლებები

10.1. იმ მოცულობით, რა მოცულობითაც Cookies ფაილების ან ანალოგიური ტექნოლოგიების მეშვეობით მიღებული ინფორმაცია ეხება პერსონალურ მონაცემებს, ასეთი დამუშავება ხორციელდება საბროკერო კომპანია „**Rioni Capital**“-ის კლიენტთა პერსონალური მონაცემების დაცვის პოლიტიკისა და შესაბამისი კანონმდებლობის შესაბამისად.

10.2. მომხმარებელს უფლება აქვს:

- გამოიხმოს ადრე გაცემული თანხმობა არასავალდებულო Cookies ფაილების გამოყენებაზე;
- შეცვალოს საკუთარი Cookies ფაილების პარამეტრები;
- მიმართოს ბროკერს პერსონალური მონაცემების დამუშავებასთან დაკავშირებულ საკითხებზე იმ წესით, რომელიც გათვალისწინებულია კლიენტთა პერსონალური მონაცემების დაცვის პოლიტიკით.

10.3. მონაცემთა სუბიექტის სხვა უფლებები ხორციელდება შესაბამისი კანონმდებლობისა და საბროკერო კომპანია „**Rioni Capital**“-ის კლიენტთა პერსონალური მონაცემების დაცვის პოლიტიკის შესაბამისად.

11. პოლიტიკის ცვლილება

11.1. ბროკერს უფლება აქვს დროდადრო ცალმხრივად შეცვალოს წინამდებარე პოლიტიკა ბროკერის ვებ-საიტზე ახალი რედაქციის გამოქვეყნების გზით.

- 11.2. ცვლილებები ძალაში შედის პოლიტიკის ახალი რედაქციის გამოქვეყნების მომენტიდან, თუ თავად პოლიტიკაში პირდაპირ სხვაგვარად არ არის მითითებული.
- 11.3. პოლიტიკა შეიძლება განახლდეს, კერძოდ, შემდეგთან დაკავშირებით:
- კანონმდებლობის ცვლილება;
 - გამოყენებული ტექნოლოგიების ცვლილება;
 - ვებ-საიტის ან ბროკერის ციფრული სერვისების სტრუქტურის ცვლილება;
 - ახალი ფუნქციების, სერვისების ან ტექნიკური გადაწყვეტილებების დანერგვა.

წინამდებარე პოლიტიკასთან ან Cookies ფაილების გამოყენებასთან დაკავშირებულ ყველა საკითხზე მომხმარებელს შეუძლია ელ.ფოსტის მეშვეობით მიმართოს ბროკერს info@rioni-capital.ge ან ბროკერის ვებ-საიტზე განთავსებული შესაბამისი უკუკავშირის ფორმის მეშვეობით.